

Shenjtori i ditës - Dëshmorët Laurenti kryedhjak, Ksisti i Romës, Ipoliti, Iron Filozofi



Filozofit athinas dhe episkopit të Romës, Ksisti (ose Siksti) II (257-258), pasues i shën Stefanit të Romës (3 gusht), iu pre koka në kohën e Valerianit (253-259), pasi nuk e mohoi Krishtin. Më përpara, kur po niste përndjekja, i kishte dhënë urdhër kryedhjakonit të tij, Laurentit, të kujdesej për enët e shenjta të Kishës.

Ky i fundit i shet për hir të të varfërve dhe, kur perandori e urdhëroi që t'i sillte paratë, shenjt i solli të radhitur në karroca të varfrit dhe sakatët që iu kishte bërë mirë! Valeriani u inatos dhe urdhëroi që të kamxhikohej.

Në burg bëri shërime çudibërëse, gjë që tërhoqi në besim tribunin Kalinik. Laurenti (latinisht do të thotë: i kurorëzuar me dafina) u çua përsëri te mbreti, por nuk pranoi t'u sakrifikonte idhujve. Mbaroi, pra, më 10 gusht 258, 4 ditë pas vdekjes së episkop Ksistit - mbi një skarë të skuqur, për shkak të zjarrit që digjej poshtë.

Lipsanin e shenjtë e varrosi Ipoliti (greqisht do të thotë: i zgjidhur prej kalit), që për këtë iu nënshtrua kamxhikimit me zinxhirë me gjemba dhe së fundi, dorëzoi

frymën, i tërhequr njëkohësisht nga disa kuaj të egër.



/ [Kisha Orthodhokse Autoqefale e Shqipërisë](#) / Facebook